

# L'Isula Sola

O quantu vuleria scrive chi a mio storia hè di pace  
Chi l'albori ch'aghju vistu si so pisati sereni  
Ma à empie a mio mente so centu mila e strage  
E di fiure sanguinose i mio ricordi so pieni

Aghju vistu tantu volte u mio mondu piccia focu  
Per una croce, un spechju o per un palmu di terra  
Per una fede, un'idea, per u pusessu d'un locu  
l'omi move e battaglie, l'omi dà si à a guerra

**Eiu so l'isula sola  
Locu di tanti sicreti  
un'isulella di fola  
Musa di tanti pueti  
So un'isula sulella  
Mi chjamanu a più bella**

Aghju vistu l'orisonte ghjugne tanti battilloni  
E i sullati à millaie calpighjà e mio marine  
Aghju in core è vinice di 'ssi tempi bughjiconi  
E piengu à fiumi pieni è mio pene senza fine

Da sempre so stata eiu ogettu di ogni imbliglia  
Quella chi omu vulia cumprà, vende o cunquistà  
Quella stella ch'in lu celu di più cà l'altre spampiglia  
E ch'ognunu vuleria di e so mani tuccà

**Eiu so l'isula sola  
Locu di tanti sicreti  
un'isulella di fola  
Musa di tanti pueti  
So un'isula sulella  
Mi chjamanu a più bella**

Ma vogliu sperà e crede in un dumane sfarente  
Sunnià di l'ore à vene cum'è di tant'allegrie

Vede e so albe chjare è di pace splendurente  
Pisà si à l'infinita cum'è in le puesie

E vogliu di à i mei, à i mio figlioli cari  
In un cantudi sperenza, in un'ardente prighera  
Di francà mi a l'ora mai di tanti ricordi amari  
E di tene caru à mè di più cà a mio bandera

**Eiu so l'isula sola  
Locu di tanti sicreti  
un'isulella di fola  
Musa di tanti pueti  
So un'isula sulella  
Mi chjamanu a più bella**

*Jean Yves Acquaviva / Vitalba*